

آبونه شرائطی

داخلی، خارجی، مریر ایچون
سنه لکی (۲۵۰)، آلتی آیلمی

(۱۳۰) غروشدر .

نسخه سی ۵ غروش ،

سنه لکی ۵۲ نسخه در

اداره خانه

باب عالی جاده سنده دائرة مخصوصه

اخطارات

آبونه بدلی بعمیندر

مسلكه موافق آثار مع المنونیه

قبول اولتور . درج ایدلمین

یازیلر اعاده اولونماز

والله یهدی من یشاء الی صراط مستقیم

محمد عاكف

اشرف اویب

اتبعون اهدکم سبیل الرشاد

ایستاد

۱۳۳۸

دینی ، فلسفی ، علمی ، ادبی ، سیاسی هفتعلق مجموعه اسلامیه در

صاحب و مدیر مسئول

باش محرر

اخطارات

ادرس تبدیلنده آیریمه بش

غروش کوندرلملیدر

مکتوببارک اضالی واضح

واوقوناقلی اولسی و آبونه صره

نوعروسی محتوی بولمسی

لازمدر

ممالک ایستیه ایچون آبونه اولانلرک

آدرسلرینک فرانسزجه ده یازلسی

رجا اولتور

پاره کوندردیک زمان نهیه دائر

اولدینی واضحاً بیلدیرلسی

رجا اولتور

و بوندن بویله ده اوله میه جغنی زمان زه لسان حادثات ایله تکرار تکرار
 اخطار ایدوب طور درکن مع الاسف مطلوب اولان انتباهک حصولی
 هنوز مشاهده ایدیلمیور . دوشونیلیمور که بوقید وحدته ایراث خالی
 ایدلایکی آنده اونک بر آله ده بولندیردینی افراد امت شیرازمی قویمش
 بر کتابک صحائف پراکنده سی کبی در حال طاعیلوب آیاقبر آئنده قالیر .
 عقول سلیسه اصحابک هرشیدن اول دوشونه جکی جهت بر طرفدن
 منسوب اولدینی هیأت اجتماعیه تک افرادی آره سنده موجود اسباب
 تسندی تأیید و دیگر طرفدن یکی یکی وسائل وحدت احضاریه
 منحصراً اولسی لازم کلیرکن (ترکیه استانبول) غزته سنک ۶ تشرین
 ثانی سنه ۱۳۳۵ تاریخی نسخه سنده کوبک فاخر امضایله یازیلان
 و صاحبک احکام اسلامییه و بوا حکامک استناد ایتدیکی اساسات علمییه
 و قوفسزانی و بالتیجه عقیده سنده کی فساد کی کوسترن خاطر ده اولدینی
 وجهله دین مین کبی ذاتاً موجود اولان و تأیید الهی ایله مؤید بولنان
 بر رابطه قدسیه بی توهینه تصدی ایتمک حوصله عقل و ادبه صیغمایان
 بر تجاوز شنیدر .

قالدی که ملتک حقوق اساسیه سی کافل اولان قانون اساسیده مصرح
 بولندینی وجهله دولت عثمانیه تک منبای موجودیتی اولان دین اسلامک
 حمایه و محافظه سی باشلرنده خلیفه معظملری بولنان رئیس حکومتلری
 اولدینی خالده بتون هیأت اجتماعیه تک عهده سته مشتم بر وظیفه مقدسه در .
 بنابرین دین مینه وقوع بوله جق هر هانکی بر تجاوز ، ملتک کرک شرع
 شریف و کرک قانون اساسی ایله مؤید بولنان حقوق مقدسه سنه قارش
 ایقاع ایدلمش اک بیوک بر جرم اولدینی کبی متجاسری حقنده ده تعقیبات
 قانونیه اجراسی قوه اجرائیه تک اک مهم واک مستعجل وظیفه سیدر .

«سوریه عربیه»

۶ تشرین ثانی تاریخی (تان) غزته سندن :
 امیر فیصلک صباح غزته لرندن برینه واقع اولان بیاناتی محتاج
 تصحیحدر . فی الحقیقه مو می ایله سوریه تک تخلیه سی حقنده انکلتزه
 ایله فرانسه آره سنده عقد ایدیلن استلافک ، انکلتزه تک عربلره قارش
 ایتدیکی تعهداته منافی اولدینی احساس ایدیور و دیمک ایستیور که :
 ۱ — ساحل حوالیسی ده داخل اولق اوزره بوتون سوریه
 عربدر . بو حوالییه سیر (ماق ماهون) (۱۹۱۵) تشرین ثانیسنده
 استقلال وعد ایتشدر .
 ۲ — امیر فیصل مذکور تعهدله استناداً حکم و نفوذینک تکمیل
 سوریه دن باشقا فلسطینه شامل اولدینی ادعا ایتکده در .

بو ادعاره جواب ویرمش اولق ایچون سیر (ماق ماهون) ک
 ۲۴ تشرین ثانی ۱۹۱۵ سنه سنده مکه شریفه کوندردیکی نوطه بی بوجه
 آتی درج ایدیورز :
 « مرسین و اسکندرون ایله شام ، حماء محص و حلبک غربنده واقع

سوریه حوالیسی تمامیه عرب عد ایدیله میه جکندن ، تصور ایدیلن
 حدودک خارجده بر اقل مسالیدر . عرب رؤسایسی ایله ایوم مرعی
 معاهده لریمزی خللدار ایتیمک شرطیله بوتندیلات داخلنده مذکور
 حدودلر بزجه مقبول و معتبردر . بو بوک بریتانیانک متفق فرانسه یه
 ضرر ویرمیدجک صورتده سربستی حرکاتی جاری اولان اقسام اراضی
 اعتباریله ، انکلتزه حکومتی نامه تأمینات ایله برابر مکتوبکزه
 شو جواب اعطایه مأذونم :

« انکلتزه ، شریف مکه طرفدن تکلیف ایدیلن حدودی شامل
 اراضی داخلنده عربلرک استقلالنی تصدیق و تأیید — یوقاریکی تصدیلانک
 قبولی شرطیله — مهیادر . »

بونوطه دن استخراج ایدیلدیکنه کوره ،

۱ — انکلتزه ، صرف عربلر ایله مسکون حوالیدن یالکر
 جبل لبنانی دکل ، فقط سوریه تک اسملری مذکور دوت شهرک غربنده کی
 ساحل قسمی ده استثنای ایتشدر . بوقسمه انکلیز عسکرینک تخلیه ایده جکی
 ماوی منطقه اسمی ویریلکده در .

۲ — فرانسه ایله انکلتزه حکومتلری کرک فلسطینده ، کرک
 عربجه قونوشولان دیگر بر مملکتده ، شریف حسینک اوغلی امیر
 فیصلک نفوذ شخصیه سی تأمین ایتکی تمهد ایتشلردر .

سبیل الرشاد مجموعه اسلامیه

سفیل و پریشان بر صورتده آیدین و حوالیسنندن موقه آیریلغه مجبور
 قالان زوالی و بد بخت دین فرداشلریمزک حال پر ملالری جدا شایان اندیشه در .
 قیشک عظیم طوفانلری ، برجم صفوقلرک تأثیر یله تیره یین و کوندن کونه قوه
 خیالترخی قائب ایدن بو بیچاره لرک حاله باقوبده آغلاماق غیر قابلدر . شیمدی یه
 قدر موسم صیف حسیده شدائد هوا و امراضدن مصون قالان و عمرلری نان
 ونعم ایچنده امراره آیشمش بولنان اودن ، یوزددن ، اشیادن محروم زوالیلری
 موسم شتاک حایله فردای سیاهک تحت تهدیدنده بولندقلری تصور ایدوبده
 متأثر اولماق ممکنمی ؟ مع التأسف قالوزیفرلرک تنوم ایدیچی صیجاقلری ایچنده
 بوکالان پای تختک منور صنفی بوجهندن یک لاقید طاورانیورلر . اشغال آئنده
 اولمایان بوحوالی اهالیسی بر طرفدن ملی وارلغنی قولانق ، دیگر جهندن یک
 الیم لوحلر عرض ایدن هم جنسلرینه معاونت ایچون بیه جک اککنی بیله فدادن
 چکینه دی . فقط دوشونملی که هر شیتک بر حدی ، برغایه سی وار . دایانلییه جق
 آچی حسله متحسس اولدیفمز حالده یازدیفمز بو صحیفه فریادی غزته کرده نشر
 ایدیکز . وقونجه پای تخت خلقنک نظر انصافی بوجهتله ایصال ایدیکز . اگر که
 واسع مقیاسده معاونت اولزسه سکسان بیک مسلمان بحوه محکومدر . عاجلاً
 معاونت فعلیه لرینه انتظار ایلرز .

حرکات ملیه و ردالمحاق هیئت آیدین
 و حوالیسی هیئت مرکزیه رئیس
 عمر لطفی